

# KINGDOM WOK BLONG YUMI

## OKTOBA 2013

### WIK WE I STAT LONG 14 OKTOBA

Singsing 121 Mo Prea

#### ❑ Baebol Stadi Blong Kongregesen:

fy japta 9 ॥21-27, bokis pej 112 mo 115 (30 minit)

#### ❑ Tiokratik Skul:

**Baebol riding:** Filipae 1–Kolosi 4 (10 minit)

**N. 1:** Filipae 3:17–4:9 (no bitim 4 minit)

**N. 2:** ?Sipos Yumi Wantem We God i Rul Long Yumi, Yumi Mas Mekem Wanem?—fg pej 17, kwestin 5 (5 minit)

**N. 3:** ?From Wanem Yumi Mas Stap Longwe Long Ol Ogenaesesen We Oli Gat Fol From Ded Blong Narafala?—lv pej 83-84 haf 20-25 (5 minit)

#### ❑ Miting Blong Kingdom Wok:

Singsing 68

**15 minit:** Fasin Blong Yumi Blong Joengud Long Fulwol i Givim Ona Long Jehova. Wan tok we i stanap long ol save we i stap long *Kingdom Wok Blong Yumi* blong Septemba, 2007, pej 4, haf 2 kasem pej 5, haf 3 (*Organized*, pej 165, haf 2 kasem pej 168 haf 1). Yu askem long olgeta we oli lesin, blong oli tokbaot sam stori long ol buk mo magasin, we oli soemaot gudfala frut we i kamaot, taem ol man blong Jehova oli joengud mo oli lavlarem olgeta.

**15 minit:** “!Long Novemba Bambae Yumi Seremaot *Kingdom Nius* N. 38!” Kwestin mo ansa. Yu seremaot wanwan pepa blong *Kingdom Nius* N. 38, long olgeta we oli stap long miting. Yu save askem long elda we i lukaot long wok blong prij blong i tokbaot ol plan we bambae yumi folem, blong prij long ol teritori blong yumi. Yu askem long tu brata no tu sista blong tufala i kam antap, mo soemaot olsem wanem blong seremaot *Kingdom Nius* N.38. Tufala i save yusum fastok we i stap long pej 4 blong kingdom wok ya.

Singsing 53 Mo Prea

### !Long Novemba Bambae Yumi Seremaot *Kingdom Nius* N. 38!

<sup>1</sup> Ded i wan enemi blong olgeta man, nating we bilif blong olgeta i defdefren. (1 Kor. 15:26) Plante man oli wantem save se, ?ol dedman oli stap wea? ?Bambae yumi save luk olgeta bakegen? From

1. ?Wanem kwestin we plante man oli stap askem? ?Olsem wanem wok we yumi mekem long Novemba, bambae i ansa long kwestin blong olgeta?

samtung ya, stat long 1 Novemba, bambae yumi joen long wan spesel wok blong seremaot *Kingdom Nius* N. 38, we nem blong hem, “?Ol Dedman Bambae Oli Laef Bakegen?” Spesel wok ya, bambae i givhan long ol man blong oli kasem ansa long kwestin blong olgeta. Afta long spesel wok ya, bambae yumi yusum *Kingdom Nius* N. 38 long wok blong prij, olsem ol narafala traket.

<sup>2</sup> **Kingdom Nius Ya i Olsem Wanem:** *Kingdom Nius* N. 38, oli wokem long wan wei we yu save benem. Olsem nao, yu save luk taetel blong hem wetem kwestin ya se, “?Yu ting se . . . yes? no? maet?” Taem man i openem *Kingdom Nius* ya, bambae hem i luk samting we Baebol i talem blong ansa long kwestin we i stap long taetel. Mo tu, bambae hem i luk sam gudfala promes we i stap long Baebol, mo olsem wanem ol save ya oli save givhan long hem. Mo bambae hem i faenemaot tu, from wanem hem i save bilif long Baebol. Mo long las pej blong *Kingdom Nius* ya, i gat wan kwestin we yu save askem long man blong pulum tingting blong hem, mo yu askem long hem sipos hem i wantem save moa.

<sup>3</sup> **Rod Blong Seremaot:** Wok ya blong seremaot *Kingdom Nius*, bambae i sem mak nomo long wok we yumi mekem, blong seremaot ol pepa blong singaot man i kam long Memoriol mo asembli. Ol elda bambae oli talemaot long yumi rod we bambae yumi folem blong finisim ol teritori blong yumi. Bambae oli folem leta blong 1 Eprel 2013 we oli kasem. Ol kongregesen we oli gat smol teritori, oli save givhan long ol kongregesen klosap we oli gat bigfala teritori. Sipos yufala i kasem *Kingdom Nius* N. 38, i gud yufala i tekem i naf nomo blong wan wik. Afta we yufala i prij long olgeta haos wanwan, mo yufala i finisim olgeta teritori blong yufala, yufala i save seremaot ol traket ya long ol pablik ples. Sipos yufala i finisim olgeta traket ya biffo en blong manis, yufala i save seremaot ol magasin. I gud se long fas sarede blong manis, yumi joen blong seremaot *Kingdom Nius* ya i bitim we yumi statem ol Baebol stadi. Mo long ol wiken, sipos yumi luk se i stret, yumi save givimaot ol magasin tu. ?Olsem wanem? ?Yu yu mekem plan finis blong joen fulwan long spesel wok ya?

2. ?*Kingdom Nius* ya i olsem wanem?

3. ?Wanem rod blong seremaot *Kingdom Nius* N. 38?

## WIK WE I STAT LONG 21 OKTOBA

Singsing 72 Mo Prea

### ❑ Baebol Stadi Blong Kongregesen:

fy japta 10 ¶1-9 (30 minit)

### ❑ Tiokratik Skul:

**Baebol riding:** 1 Tesalonaeka 1–2 Tesalonaeka 3 (10 minit)

**N. 1:** 1 Tesalonaeka 2:9-20 (no bitim 4 minit)

**N. 2:** ?Man Mo Woman We i Stap Tugeta, Tufala i Mas Mekem Wanem Blong Famle i Glad?—fg pej 18, kwestin 1 (5 minit)

**N. 3:** ?Yumi Tinghae Long Laef Taem Yumi Talemaot Gud Nius Blong Kingdom?—lv pej 85 haf 26-28 (5 minit)

### ❑ Miting Blong Kingdom Wok:

Singsing 125

**15 minit:** ?Yumi Lanem Wanem? Tok wetem sam kwestin mo ansa. Yu askem long narafala blong i ridim Mak 1:40-42, Mak 7:32-35, mo Luk 8:43-48. Biaen yu tokbaot olsem wanem ol vas ya oli save givhan long yumi long wok blong prij.

**15 minit:** "Yu Yusum Websaet Blong Yumi Blong Tijim Pikinini Blong Yu." Kwestin mo ansa. Taem yufala i kasem haf 3, yu taem weples oli save faenem "Parents' Guide" ya mo yu soemaot wan eksampol we yu faenem insaed long Websaet ya. Mo taem yufala i kasem haf 4, yu askem long ol brata mo sista blong oli tokbaot olsem wanem oli yusum Websaet blong yumi, taem oli mekem famle wosip blong olgeta.

Singsing 88 Mo Prea

## Yu Yusum Websaet Blong Yumi Blong Tijim Pikinini Blong Yu

<sup>1</sup> Websaet ya blong yumi, jw.org, oli wokem blong givhan long enikaen man, ol papa mo mama, ol olfala, ol pikinini, mo ol yangfala. Naoia ol haf ya oli no kamaot yet long bislama, oli kamaot nomo long Franis mo Inglis. I gat wan haf long Websaet blong yumi, nem blong hem "Children," (yu go long *Bible Teachings > Children*). Hem i save givhan long ol pikinini blong oli fren gud wetem ol papa mo mama blong olgeta, mo blong olgeta evriwan oli kam klosap moa long Jehovah. (Dut. 6:6, 7) ?Olsem wanem yufala i save yusum haf ya blong tijim ol pikinini blong yufala?

**2 Yu Mas Rere Blong Mekem Sam Jenis:** Ol pikinini blong yu oli defdefren. (1 Kor. 13:11) Taswe, taem you

1. ?From wanem oli wokem haf ya "Children" insaed long Websaet blong yumi?

2. Taem yu wantem jusum wan haf blong famle i stadi long hem, ?olsem wanem blong jusum wan haf we i stret long evriwan?

wantem jusum wan haf we famle bambae i stadi long hem, i gud yu jusum wan haf we i stret long olgeta evriwan. ?Olsem wanem blong mekem olsem? Fastaem i gud yu askem ol kwestin olsem se: ?Wanem samting nao we pikinini blong mi bambae i laekem blong tokbaot? ?Hamas save we olgeta wanwan oli naf blong tingbaot? ?Oli naf blong sidaon kwaet longtaem mo lesin? Sipos pikinini blong yu i gat tri yia, no maet i no kasem tri yia yet, yu save tokbaot ol stori we oli stap long "My Bible Lessons" we oli stap long Websaet blong yumi. Sam narafala famle, bambae oli glad blong tokbaot ol stori blong Baebol, we oli stap long haf ya "Teach Your Children." Long ol haf we i kam biaen bambae i soemaot sam rod we yu save follem.

### ❑ Ol Samting We Famle i Save Mekem Long Famle

**Wosip:** Ol papa mo mama oli save yusum ol haf insaed long *Family Worship Projects*, blong stadi wetem ol pikinini blong olgeta. Yu klik long toktok ya *download*, mo yu ridim haf ya long "Parents' Guide" blong luk olsem wanem yu save yusum ol stori, mo ol piya long famle wosip blong yufala. Yufala i save yusum ol *picture activities*, blong tijim ol pikinini blong yufala long hem. Yu givhan long ol pikinini blong yu we oli bigwan lelebet blong oli finisim ol *study activities* blong olgeta. Insaed long *Family Worship Projects* i tokbaot stori blong plante man long Baebol. Sipos yu jusum wan long ol man ya blong tokbaot long taem blong famle wosip, evri pikinini blong yu oli save joen long hem. From we olgeta samting we bambae oli mekem, i tokbaot sem man nomo, mo bambae oli lanem sem samting nomo.

**4 Yu Save Kam Fren Blong God:** Ol video mo *songs*, mo *activity* long Websaet ya, oli givhan long ol papa mo mama blong oli tijim ol smol pikinini blong olgeta long tok blong God. (Dut. 31:12) Ol sot video blong ol pikinini, oli tijim olgeta long ol impoten lesen. Mo taem oli mekem ol *activity* olsem lukaotem mo faenem wan samting, oli no save fogetem lesen ya. Ol pikinini oli laekem tumas blong singsing, mo ol singsing oli givhan long olgeta blong oli tingbaot samting we oli lanem. From samting ya, ol singsing blong Kingdom mo ol narafala singing blong ol pikinini, bambae oli stap kamaot oltaem long Websaet blong yumi.

<sup>5</sup> Ol papa mo mama, Jehovah i wantem se wok we yufala i mekem i karem gudfala frut. Taswe, i gud we yufala i askem long hem blong i givhan long yufala, blong yufala i tijim gud ol pikinini blong yufala long trutok. (Jaj. 13:8) Jehovah nomo i save givhan long yu, blong yu trenem pikinini blong yu blong i kam 'waes, mo i save stanap strong long bilif blong hem long Jisas Kraes, blong God i save sevem hem.'—2 Tim. 3:15; Prov. 4:1-4.

3. ?Olsem wanem ol papa mo mama oli save yusum ol haf insaed long "Family Worship Projects" blong tijim pikinini blong olgeta?

4. ?Yu save faenem wanem long haf ya "Yu Save Kam Fren Blong God"?

5. ?From wanem ol papa mo mama oli mas askem long Jehovah blong i givhan long olgeta, taem oli stap tijim pikinini blong olgeta long trutok?

## WIK WE I STAT LONG 28 OKTOBA

Singsing 38 Mo Prea

### ❑ Baebol Stadi Blong Kongregesen:

fy japtia 10 110-18 (30 minit)

### ❑ Tiokratik Skul:

**Baebol riding:** 1 Timoti 1–2 Timoti 4 (10 minit)

**Tingtingbak Long Oi Poen Blong Tiokratik Skul** (20 minit)

### ❑ Miting Blong Kingdom Wok:

Singsing 61

**5 minit:** “?Bambae Yu Mekem Wanem Long Taem Blong Holide?” Wan tok.

**10 minit:** Yu Soemaot Se Gud Nius i Save Givhan Long Man. Wan tok we i stanap long buk ya *Tiokratik Skul* pej 158, haf 5 kasem en blong pej 159. Yu askem long tu brata no tu sista blong tufala i kam antap, mo soemaot olsem wanem yumi save yusum wan haf insaed long buk ya *Baebol Tijim* we i stret long samting we ol man long teritori oli glad blong tokbaot.

**15 minit:** I Impoten We Yu Kam Long Stret Taem. Tok wetem sam kwestin mo ansa. (1) ?Olsem wanem yumi save folem fasin blong Jehova blong mekem samting long stret taem? (Hab. 2:3) (2) Taem yu kam long miting mo long wok blong prij long stret taem, ?olsem wanem yu soem respek long Jehova mo yu tingbaot ol narafala? (3) Taem yu kam let long miting blong prij, ?olsem wanem yu spolem grup blong prij, mo brata we i mekem miting blong prij? (4) Sipos yu talem long wan man, no wan Baebol stadi, se bambae yu gobak long wan stret taem blong luk hem, ?from wanem i gud yu gobak long stret taem we yu talem? (Mat. 5:37) (5) ?Yu save mekem wanem blong yu no kam let long miting blong prij mo long miting blong kongregesen?

Singsing 69 Mo Prea

## Tingtingbak Long Oi Poen Blong Tiokratik Skul

Long wik blong 28 Oktoba 2013, bambae yumi tingtingbak long ol samting we yumi lanem.

1. ?Yumi gat “tingting blong kraes,” hemia i minim wanem? (1 Kor. 2:16) [Sept. 2, w08 1/7 pej 11 haf 7]
2. ?I minim wanem se yumi “no moa mekem fasin nogud wetem woman”? (1 Kor. 6:18) [Sept. 2, w08 1/7 pej 11 haf 9; w04 15/2 12 haf 9]

3. ?Pol i minim wanem taem hem i talem se “insaed long ol miting blong jos, ol woman oli mas stap kwaet”? (1 Kor. 14:34) [Sept. 9, w12 1/10 pej 8, 9, mo bokis]
4. ?Ol elda oli save lanem wanem long ol tok blong Pol long 2 Korin 1:24? [Sept. 16, w13 15/1 pej 27 haf 2-3]
5. ?Yumi save folem ol tok blong 2 Korin 9:7 olsem wanem? [Sept. 23, w09 1/3 pej 27 haf 11]
6. ?Advaes blong Pol long Galesia 6:4, i save givhan long yumi olsem wanem? [Sept. 30, w12 1/12 pej 21 haf 18]
7. ?Yumi mekem wanem blong folem tok ya se “Tabu Spirit, hem i stap mekem yumi evriwan i joen gud”? (Efes. 4:3) [Okt. 7, w12 1/7 pej 28 haf 7]
8. ?Wanem tingting blong Pol long ol samting we hem i lego? (Fil. 3:8) [Okt. 14, w12 1/3 pej 28 haf 12]
9. ?Pol i minim wanem taem hem i talem se: “I no stret blong yumi stap slip olsem ol narafala man”? (1 Tes. 5:6) [Okt. 21, w12 15/3 pej 10 haf 4]
10. ?From wanem sakrefaes blong Jisas hem i ‘wan ransom we praes blong hem i stret blong pemaot olgeta man’? (1 Tim. 2:6) [Okt. 28, w12 1/6 pej 17 haf 11]

## ?Bambae Yu Mekem Wanem Long Taem Blong Holide?

Taem i gat ol holide, ol man oli stap nomo long haos blong olgeta. Taswe, hemia wan gudfala taem blong yumi joen long wok blong prij. Ol kongregesen oli kasem advaes se, i gud we oli mekem sam spesel plan blong wok blong prij, taem i gat holide. Taem i gat holide olsem, planete man oli wekap let long moning. Taswe, i gud we kongregesen i jenisim taem blong miting blong prij. Mo long Miting Blong Kingdom Wok, kongregesen bambae i talemaot ol plan we yumi save folem long taem olsem, mo i save lefteamap tingting blong evriwan blong oli joen long wok blong prij long taem ya. I tru se taem i gat holide, yu wantem spel mo mekem samting we yu nomo yu wantem. Be i gud we yu spenem sam aoa blong joen long wok blong prij. Sipos yu mekem olsem, bambae yu glad tumas long taem ya we yu spenem blong mekem tabu wok blong God.—Mat. 11:29, 30.

## WIK WE I STAT LONG 4 NOVEMBA

Singsing 37 Mo Prea

### □ Baebol Stadi Blong Kongregesen:

fy japta 10 ¶19-23, bokis pej 127 (30 minit)

### □ Tiokratik Skul:

**Baebol riding:** Taetas 1–Filimon (10 minit)

**N. 1:** Taetas 2:1-15 (no bitim 4 minit)

**N. 2:** ?Tufala i Mas Mekem Wanem Fasin Long Tufala?—fg pej 18, kwestin 2 (5 minit)

**N. 3:** ?From Wanem Yumi Mas Stap Klin? —lv pej 86-88 haf 1-7 (5 minit)

### □ Miting Blong Kingdom Wok:

Singsing 95

#### 10 minit: Sam Tingting Blong Seremaot

**Magasin Long Manis Novemba.** Tok wetem sam kwestin mo ansa we i stanap long ol kwestin ya: Taem yumi stap seremaot *Kingdom Nius N. 38*, ?from wanem i gud blong seremaot ol magasin tu? ?Wetaem i stret blong mekem olsem? Afta we yumi tokbaot *Kingdom Nius* ya, ?yumi save talem wanem blong jenisim storian blong yumi i go long magasin? Yu askem long tu brata no tu sista blong tufala i kam antap, mo soemaot olsem wanem blong seremaot *Kingdom Nius* ya wetem magasin.

**10 minit:** Lokol nid.

**10 minit:** Tok Blong God i Gat Paoa. (Hib. 4:12, NW) Tok wetem sam kwestin mo ansa. Yu tokbaot ol stori we oli stap long *2013 Yearbook*, pej 57 haf 1 kasem pej 59 haf 3. Yu askem long olgeta we oli stap se oli lanem wanem long ol stori ya.

Singsing 114 Mo Prea

## Advaes

■ **Oktoba:** *Wajtaoa mo Wekap!* **Novemba:** *Kingdom Nius N. 38.* **Disemba:** ?*Wanem Samting We Baebol i Rili Tijim?* no ol traket. **Jenuware:** !*Gud Niu We i Kamaot Long God!* no eniwan long ol buklet we i gat 32 pej blong hem: *Speret Blong Ol Dedman* —?*Oli Save Halpem Yu No Spolem Yu?* *Oli Rili Stap?, Taem Wan We Yu Lae-*

*kem Tumas i Ded, !Yu Save Kam Fren Blong God!*

## Ol Fastok

### Kingdom Nius N. 38

“Mi mi joen long wan spesel wok we i stap gohed long fulwol, blong seremaot wan impoten mesej. Hemia blong yu.”

Makemgud: sipos yumi wantem finisim ol teritori blong yumi, i gud we yumi mekem storian blong yumi i sot nomo. Be sam man maet oli glad tumas mo oli wantem save moa. Sipos i olsem i gud we yu askem long hem, wanem tingting blong hem long kwestin we i stap long fored blong traket ya. Mo biaen yu ridim vas blong Baebol we oli stap insaed long traket ya, mo yu tokbaot sam save we oli stap insaed long hem. Mo bifo we yu gobak, yu soem long hem kwestin we i stap aninit long smol toktok ya “Yu Traem Tingbaot” we i stap long las pej. Mo yu mekem plan blong gobak luk hem, blong yutufala i save storian long kwestin ya.



### Oktoba–Disemba

“Sipos God i kea long yumi, ?yu ting se hem i luk ol trabol we yumi stap kasem? [Yu letem man i ansa, mo yu ridim Aesea 63:9.]” Yu soemaot haf we i stap long pej 14 long *Wajtaoa* ya.

### Wekap! Oktoba–Disemba

“Plante man we oli talem se oli kris-tin, oli bilif long Triniti. ?Yu yu save olsem wanem Triniti i kam wan tijing blong jos? ?Yu ting se tijing blong Triniti i kamaot long Baebol? [Yu letem man i ansa mo yu ridim 1 Korin 8:6.]” Yu tokbaot haf we i stap long pej 6.

